

19AU FESTIVAU DE TEATRE ENA ESCOLA

Era escòla que representarà enguan era òbra serà era Escòla Garona de Vielha ena Sala d'Actes dera escòla e damb es mainatges e mainades de Cicle Iniciau.

Eth Conselh Generau meterà autocars a disposicion des escòles tath desplaçament des alumnes.

Els òbres se representaran pendent era primauera deth 2020.

Tèma, preparacion e presentacion :

Era òbra representada pòt èster originau e inedita, adaptacions o non d'òbres existentes, e en aranés (occitan d'Aran).

Eth tèma e eth genre dramatic ei liure.

Era durada dera òbra non a de passar d'ua ora.

Era escòla representanta a de dar prioritat ara interpretacion sus es decorats e vestiari non sonque tà agilizar tant com se pogue era representacion senon, e sustot, tà qu'es alumnes aprenen era vertadèra esséncia deth teatre.

Eth Conselh participarà enes despenes que se poguen originar ara ora dera representacion dera òbra damb un totau de 300€ (era escòla representanta aurà de gestionar aguesta quantitat e presentar ena Tresaureria deth Conselh Generau, era relacion de factures qu'acrediten es despenes hètes, amassa damb un ofici signat pera secretària o secretari deth Centre).

Eth Conselh editarà tanben es programes de man damb eth resum dera òbra, es actors e actores e es differenti personatges que representen, dades qu'enviaràn es escòles damb auança tath Departament de Cultura e Lengua.

Tanben s'entregarà un CD de fotos e un video dera òbra ara escòla representanta e se balharà un diplòma as participants despùs dera representacion.

Se convidarà, entà assistir tara Serada d'entrèga des prèmis enes dies propers ara Hèsta d'Aran, ara direccions dera escòla participanta tà remassar un present commemoratiu dera sua representacion teatrau, e tanben se convidarà as direccions de toti es auti centres escolars tad aguesta celebracion.

Conselh Generau d'Aran

Conselh Generau d'Aran

XXXau.
Concors Literari
Mn Condò Sambeat

19AU FESTIVAU DE TEATRE ENA ESCOLA

Bau Concors
de Dibujos ena Escola

2019/2020

XXXau. Concors Literari Mn Condò Sambeat

BASES

(Ei important liéger ben aguestes bases!)

1. Presentacion dera òbra:

- a) Cau signar era òbra que presentatz damb un lèma o subernòm vedible.
- b) Presentaratz era òbra adjunhent ua petita envolòpa. En exterior d'aguesta envolòpa i auratz de méter eth lèma o subernòm e era categoria e nivèu a qué correspon. Laguens dera envolòpa introdusiratz un papèr damb es vòstes dades: nòm e cognòms, adreça, edat, categoria, nivèu e -plan important- un o mès numèros de telefòn de contacte.
- c) Non s'acceptaràn es travalhs a on a simpla vista s'i veigue eth nòm der autor.
- d) Presentatz es vòsti travalhs mecanografiats.
- e) Ei obligatori de presentar es òbres en supòrt informatic ath delà d'en supòrt papèr. Mesura dera hònt: 12, interlinhat 1,5. Eth supòrt informatic des travalhs serà der entorn windows (preferentament word).
- f) Sonque s'acceptaràn travalhs a man se son deth Nivèu A.

2. Sonque s'acceptarà ua òbra per nivèu, mès podetz presentar-vos enes desparières categories.

3. Era òbra a d'èster inedita.

4. Es travalhs an d'èster redigits en aranés o en quinsevolh des auti dialèctes o variantes der occitan.

5. Es travalhs s'auràn de presentar en Departament de Cultura e Lengua deth Conselh Generau d Aran abans deth 20 d'abriu de 2020.

6. Era composition deth jurat e eth sòn veredict se haràn a conéisher en ua serada de liurament de prèmis enes dies propers ara Hèsta d'Aran, laguens des actes correspondents ara sua celebracion. En cas de qu'es guanhadors des prèmis non poguen assistir tad aguesta serada de liurament de prèmis, auràn de cercar a quauquarrés (amic o familiar) que pogue representar-les e recuélher eth prèmi.

7. Es òbres presentades e toti es drets de publicacion d'aguestes demoraràn en proprietat deth Conselh Generau d Aran.

8. Eth pagament deth prèmi se realizarà mejançant transferéncia bancària ath numero de compde qu'eth/era guanhador/a, o eth sòn tutor o representant legau designe en formulari qu'obligatoriament s'aurà d'aumplir e liurar, validat pera entitat bancària, ara organizacion deth concors.

CATEGORIA NARRACIÖN

Nivèu A: Estudiants de cincau e siesau de primària. Minim 2 huelhes DIN A-4 (1a) cara.
Prumèr prèmi: 100 € e diplòma
Finalista: 75 € diplòma
Dus accèssits de: 50€ cada un damb diplòma.

Nivèu B: Estudiants de 1èr e 2au d'ESO.
Minim 3 huelhes DIN A-4 sonque per ua cara.
Prumèr prèmi 125 € e diplòma
Finalista 100 € e diplòma
Dus accèssits de 75 € cada un damb diplòma

Nivèu C: Estudiants de 3au e 4au d'ESO e Bachelierat que non agen complit es 18 ans.
Minim 6 huelhes DIN A-4, sonque per ua cara.
Prumèr prèmi 175 € e diplòma
Finalista 125 € e diplòma
Dus accèssits de 100 € cada un damb diplòma

XXXau. Concors Literari Mn Condò Sambeat

CATEGORIA POESIA

Nivèu A: Estudiants de 5au e 6au de primària.
Minim 12 versi.
Prumèr prèmi: 100 € e diplòma
Finalista: 75 € e diplòma
Dus accèssits de: 50 € damb diplòma

Nivèu B: Estudiants de 1èr e 2au d'ESO. Minim 16 versi Minim 10 versi.
Prumèr prèmi 125 € e diplòma
Finalista 100 € e diplòma
Dus accèssits de 75 € cada un damb diplòma

Nivèu C: Entà estudiants de 3au e 4au d'ESO e bachelierat que non agen complit es 18 ans.
Minim 20 versi.
Prumèr prèmi 175 € e diplòma
Finalista 125 € e diplòma
Dus accèssits de 100 € cada un damb diplòma

Bau Concors de Diboish ena Escòla

Categories concors de diboish:

1èr e 2au. Primària; 3au. e 4au. Primària; 5au e 6au. Primària; 1 er, 2au. ESO; 3au e 4au. ESO; Bachelierat e Professionau.

Prèmis concors de diboish:

1èr-2on. e 3au-4au de primària: Estug complèt de diboish tàs premiadi (1èr. prèmi, Finalista e accèssit).
Prèmis per categoria:

5au, 6au. de Primària:

1èr. Prèmi de cada categoria: 150€
Finalista de cada categoria: 100€
Dus accèssits de cada categoria de 50€

1èr-2au. e 3au-4au.ESO

Prèmis per categoria
1èr. Prèmi: 150€
Finalista: 100€
Dus accèssits de 50€

Categoria de Bachelierat e Professionau

1èr. Prèmi: 200€
Finalista: 150€
Dus accèssits de 100€

Es prèmis s'entregaràn enes dies propers ara Hèsta d'Aran, laguens des actes correspondents ara sua celebracion.

Es guanhadors des prèmis enes diuèrses categories auràn d'assitir tara serada de liurament de prèmis e, en cas de non poder-i assistir, auràn d'enviar a quauquarrés (familiar o amic) que les represente e remasse eth prèmi.

Eth pagament deth prèmi se realizarà mejançant transferéncia bancària ath numero de compde qu'eth/era guanhador/a, o eth sòn tutor o representant legau designe en formulari qu'obligatoriament s'aurà d'aumplir e liurar, validat pera entitat bancària, ara organizacion deth concors.

Tecnica: Liura (aquarelles, gredons de colors, ceres, tempères, etc...), eth supòrt tanben ei liure. Non an d'èster presentadi emmarcadí. Non s'acceptaràn òbres presentades en 3 dimensions.

Tèma concors diboish: **Es Pompièrs**

Presentacion: Es diboishi se presentaràn signadi per un subernòm ath pè deth diboish e tanben damb era categoria ara quau apertien. Ena part de darrèr deth diboish s'i meterà eth nòm dera escòla o centre. En ua envolòpa a part, damb eth subernòm dehòra, s'i meteràn, laguens, es dades der autor/autora: nòm e cognòms, edat, categoria, telefòn o telefòns de contacte e adreça postau. Aguesta envolòpa se junherà damb un clip ath diboish.

Eth diboish s'aurà de hèr ena escòla, laguens dera activitat de plastica, jos era supervision deth professor-a d'aguesta assignatura. Non se pòt hèr en casa. Es alumnes des categories que corresponen a 1èr, 2au, 3au, 4au d'ESO e ath Bachelierat e Professionau òc que pòden trabalhar en casa. Sonque se poderá presentar un diboish per participant/a. Cada diboish a de portar ua frasa inventada per autor/a en aranés, que hèsque referéncia ath tèma proposat. Tèrme de presentacion: **17 d'abriu de 2020**